

ԳԱՌՆԻԿ ՄՈՄՁՅԱՆ

ՀԱՅ ՔԱՂԱՔԱԿԱՆ ԿՈՒՍԱԿՑՈՒԹՅՈՒՆՆԵՐԸ ԵՎ Կ.  
ՊՈԼՍԻ ՊԱՏՐԻԱՐԷԱՐԱՆԸ

1908-1911 թվականներին ՀՀԴ և Ս.Դ.Հնչակյան կուսակցությունները եկեղեցիները օգտագործում էին որպես հավաքատեղիներ՝ ժողովներ ու հավաքույթներ անցկացնելու համար, որը հանգեցնում էր Ռամկավարների զայրուքին, չնայած նրան, որ պատրիարքարանը օժանդակում էր նրանց։ Մինչև 1914 թվականը ՌԱԿ-ը չկարողացավ ամրապնդել իր դիրքերը և չունեցավ ակտիվ քաղաքական դերակատարում։ Դաշնակցության և երիտթուրքերի փոխհարաբերությունները անմիջապես արտահայտվեցին ներքին կյանքում՝ մասնավորապես կուսակցություններ-պատրիարքարան փոխհարաբերություններում։ Այսպես 1908 թվականի հուլիսի 16-ին Դաշնակցության մասնակցությամբ պաշտոնանկ արվեց պատրիարք Մ. Օրմանյանը։

1910-1912 թվականներին Դաշնակցությունը ծավալեց հակապատրիարքական գործունեություն, որը առաջ բերեց միջկուսակցական հարաբերությունների վատթարացման՝ մասնավորապես Ռամկավարների հետ, որը համարվում էր պատրիարքի հենարանը։ Ռամկավարները 1910 թվականից անցան պատրիարքարանի հովանավորության տակ և մի շարք հարցերում պաշտպանում էին նրա վարքագիծը։ Նրանք առաջնորդվում էին իրենց համագումարում ընդունված որոշմամբ, որ Հայոց եկեղեցական գործերը վարչական գործերից անջատելու մասին։ Նրանք կողմնորոշվում էին դեպի պատրիարքարանը, բայց միաժամանակ չէին կարող անտեսել ժողովրդական որոշ զանգվածների պնդումը՝ իրենց հռչակելու համազգային կուսակցություն։ Ռամկավարները դեմ էին հեղափոխական ելույթներին, կողմ էին խաղաղ զարգացման գաղափարին։ Ս.Ռ.Կ-ը հանդես է գալիս մի շարք հայտարարություններով՝ մասնավորապես նշելով, թե Դաշնակցությունը վտանգ է ներկայացնում հայկական արժեքային համակարգին։ Պայքարն այն աստիճան սրվեց, որ դաշնակցական Ա.Վռամյանը ցանկանում էր եկեղեցում անցկացնել հավաք, իսկ Ռամկավարները այդ ժամանակ շրջապատեցին եկեղեցին և սկսվեց հրմշտոց<sup>1</sup>։

<sup>1</sup> Ճիզմեյան Ս., Պատմություն ամերիկահայ քաղաքական կուսակցությունների 1890-1928, Ֆրեզնո, 1930, էջ 117։

Մ.Իգմիրյանը, որը 1908 թվականի սեպտեմբերի 22-ին ընտրվելով պատրիարք, հայտարարեց, որ հայերը Սահմանադրությունը ընդունեցին խանդավառությամբ, իսկ նոյեմբերի 6-ին տպագրվեց նրա հորդորը հայությանը՝ «Հայ ազգը՝ հավասարության, արդարության և ազատության հիման վրա հիմնված Օսմանյան սահմանադրական ազգի մեկ տարրը կազմելով՝ ամենքս պետք է աշխատենք մեր քաղաքացիական պարտականությունները կատարենք ընդհանուր երկրի համար»<sup>2</sup>։ Նրա օրոք սկսեցին ծայր տալ կուսակցությունների ներքին վեճերը և հետզհետե ընդունեցին սուր բնույթ։ Հայ քաղաքական կուսակցությունների կողմից ուշադրության էր արժանանում «երկաթյա պատրիարք» Մ.Իգմիրյանը։ 1909 թվականի հունվարին, Սուրբ Ծննդյան օրը Իգմիրյանը հայտարարեց, որ համագործակցում է բոլոր քաղաքական ուժերի հետ՝ հանուն բոլոր նպատակների իրականացման։ Դաշնակցության և Հնչակյան կուսակցությունների ներկայացուցիչները վարձեցին շոգենավեր՝ Մարմարա ծովում նրան դիմավորելու նպատակով։ Նրանք իրենց նավերի վրա անցկացրեցին հանրահավաքներ, որը ազդարարում էր այդ պահի քաղաքական նշանակությունը<sup>3</sup>։

Հայ քաղաքական կուսակցությունների թուլացման նպատակով ընտրությունների նախաշեմին երիտթուրքերը սկսեցին համագործակցել Կ. Պոլսի Ազգային վարչության և պատրիարքի հետ։ Նման մոտեցումն ցուցաբերեցին մասնաշաղկապային կուսակցությունը և ՀՅԴ։ Հնչակյան կուսակցությունը ներկայացրեց գործողությունների ծրագիր պատրիարքի համար<sup>4</sup>։ Դաշնակցությունը շեշտեց, որ ինքը ազգային խնդիրները չի ղեկավարողապետական շեմին, բայց ստիպված գնաց մասնակի զիջողությունների։ Իգմիրյանի աճող հեղինակությունը քաղաքական կուսակցություններին ստիպում էր գնալ պատրիարքարանի հետ մերժեցումների։ Հնչակյան կուսակցության պատգամավոր Հ.Արամյանը առաջարկեց համատեղ գործունեության ծրագիր պատրիարքի հետ։ Արդյունքում ծագեց մրցակցություն երկու կուսակցությունների (ՀՅԴ և ՄԴՀ) միջև՝ պատրիարքի հետ համաձայնագիր կնքելու համար՝ ազգային շահերը համատեղ ներկայացնելու նպատակով։ Պատրիարքը կարող էր դառնալ հաշտարար դատավոր և երաշխավոր ազգային ակնկալիքների արտահայտման։ Դաշնակցությունը ուներ այլ կարծիք, ըստ որի պատրիարքարանը չի ներկայացնում ազգային քաղաքական մարմին։ Պատրիարքը նախաձեռնեց միջոցներ ազգային քաղաքական ուժերի միջև միասնություն ապահովելու նպատակով։ Պատ-

<sup>2</sup> «Զայն Հայրենեաց», Կ. Պոլիս, 1908, նոյեմբերի 6։

<sup>3</sup> «Մշակ» Թիֆլիս, 1908, օգոստոսի 27։

<sup>4</sup> Սապահ-Գյուլյան Ս. Պատասխանատուները, Փրովիդենս, 1916, էջ 288։

րիարքարանի կողմից կուսակցություններին տրվում էին տարբեր վարքագծեր: Ղաշնակցությունը բնութագրվում էր որպես ծայրահեղ, որը լիբերալ մամուլում նշվում էր էկլեկտիզմի (իրար հակասող տեսակետներ) կողմնակից: Այն համոզումն էր իշխում, որ ստորագրել համաձայնագիր Իթքիհաթի հետ, երբ ողջ ազգը բոլոր մասերից բողոքում է Իթքիհաթի կառավարության դեմ դա անբարոյականություն է: Իսկ ԶՅԴ-ն այս ամենը համարում էր ոչ թե անբարոյականություն, այլ մարտավարություն<sup>5</sup>:

Ղաշնակցությունը Ա.Շահիրկյանի շուրթերով հայտարարում էր, որ ազգը պետք է կանգնի կամ Ղաշնակցության կողմը կամ միավորվի պատրիարքի հետ» և զարմանում, որ այդ ընտրությունը կատարվում էր հոգուտ վերջինի<sup>6</sup>: Ժողովուրդն անվանաբար կապված էր պատրիարքարանի հետ, որպես Թուրքիայում հայ քաղաքական, կրթական և մշակութային կենտրոնի: Ղա ստիպեց Ղաշնակցությանը օգտագործել տարբեր միջոցներ, ազդելու հասարակական գիտակցության վրա՝ հոգուտ իրեն: 1910 թվականի մարտի 28-ի պատրիարքի որոշումով եկեղեցու դռները փակվեցին հանրահավաքների անցկացման համար: Ուժեղանում էր քաղաքական ուժերի միջև բևեռացումը: Պատրիարքը ստիպված էր շոշափել ազգային շարքերի միասնության հարցը ընդհանուր ժողովում ելույթի ժամանակ: Եկեղեցիներում հանրահավաքների դադարեցման որոշումը ունեցավ մեծ արձագանք: Եթե Ռամկավարները ընդունեցին Ազգային վարչության որոշումը ի գիտություն, ապա մյուսները ընդունեցին հակադիր դիրքորոշում<sup>7</sup>: Տեղի ունեցան միջկուսակցական հանդիպումներ Գնչական կուսակցության և Ղաշնակցության ներկայացուցիչների մասնակցությամբ՝ եկեղեցիներում հանրահավաքների արգելման հարցի վերաբերյալ: Հանդիպման վերջում ընդունվեց համատեղ որոշում՝ ներդնել բոլոր ջանքերը՝ արգելումը թույլ չտալու՝ քանզի դա չէր համապատասխանում հայ եկեղեցու ոգուն<sup>8</sup>: Ազգային ժողովի նիստի ժամանակ, 1910 թվականի հուլիսի 23-ին պատրիարքը զեկուցեց հուլիսի 19-ի դեպքի մասին, որի ժամանակ զոհվել էր մի հույն պատանի և առաջարկեց երեք ամսով դադարեցնել բոլոր տեսակի հանրահավաքները եկեղեցիներում<sup>9</sup>: Նիստի ժամանակ նշվեց, որ պատրիարքի կարծիքը հաշվի կառնվի, սակայն նրան ըմբռնումով չմոտեցան հայ բոլոր քաղաքական ուժերը: 1910 թվականի հուլիսի 25-ին տեղի ունեցավ ռամկավարների ժողովը՝

<sup>5</sup> Тунян В.Г., Младотурки и Армянский Вопрос 1908-1912 гг., том.1, ст 215, Ереван, 2004.

<sup>6</sup> Սշակ» Թիֆլիս, 1910, մարտի 11:

<sup>7</sup> Армянская жизнь, Баку, 1910, 17 июля.

<sup>8</sup> Նույն տեղում, 1910, 13 июля.

<sup>9</sup> «Սշակ» Թիֆլիս, 1910, 1 օգոստոսի:

Վ. Թեքեյանի գլխավորությամբ: Նրանք որոշեցին ի կատար ածել և պաշտպանել Ազգային ժողովի եկեղեցիներում հանրահավաքներ անցկացնելու արգելի որոշումը, սակայն ժողովը վերջացավ ծայրահեղական ներկայացուցիչների հետ բախմամբ, որոնք առաջարկում էին այլ մոտեցում: Քաղաքական ուժերի տեսադաշտում էր գտնվում 1910 թվականի սեպտեմբերի 14-ին նախատեսվող եկեղեցական ժողովը Կ.Պոլսում: Հետևելով քաղաքական վայրի վերումներին՝ ռուսական դեսպանությունը Կ.Պոլսում գտնում էր, որ դաշնակցությունը ցանկանում է իրեն ենթարկել հայ եկեղեցին: Դաշնակցությունը դիմեց Կ. Պոլսի պատրիարքին որպեսզի նա դիմի հայ հոգևորականությանը որպեսզի հրավիրվի եկեղեցական ժողով, եկեղեցական գործերում բարենորոգումներ անկացնելու համար: Եկեղեցական ժողովը չկայացավ: Այն հետաձգվեց անորոշ ժամանակով պատրիարքի հիվանդության պատճառով, ինչի մասին տեղեկացվեց նաև ռուսական կառավարությանը: Պատրիարքը բոլոր քաղաքական ուժերի ներկայացուցիչներին հրավիրեց պատրիարքարան և առաջարկեց պահպանել եկեղեցիներում հանրահավաքներ չանցկացնելու մասին որոշումը երեք ամսյա դադարի վերաբերյալ<sup>10</sup>: 1910 թվականի հոկտեմբերի 7/20 Ռամկավար կուսակցության կենտրոնական մարմինը ուղերձ ուղղարկեց Ամենայն Հայոց կաթողիկոսին եկեղեցիներում հանրահավաքներն արգելելու մասին: Ուղերձում նշվում էր, որ Դաշնակցությունը չի պահպանում հանրահավաքներ չանցկացնելու մասին որոշումը, և շարունակում է անցկացնել հանրահավաքներ: Նրանք խնդրում էին Ամենայն Հայոց կաթողիկոսին իր իրավասության շրջանակներում հաստատել վերը նշված որոշումը<sup>11</sup>: Պատրիարքի կոչը հանրահավաքների դադարի մասին որոշումն երկարաձգելու վերաբերյալ Դաշնակցությանը ստիպեց ճշգրտումներ մցնել իր փոխհարաբերություններում: 1910 թ. հոկտեմբերի 15-ի «Արաչ» թերթում տպագրված հոդվածով ՀՀԴ պահանջում էր պատրիարքի հրաժարականը, որպես պատճառ նշելով՝ նրա թուլականությունը և պատրիարքարանի քաղաքական գծի չհամապատասխանությունը իրենց քաղաքական գծին<sup>12</sup>: Հոկտեմբերի 22-ին պատրիարքը հրաժարականի դիմում ներկայացրեց Ազգային վարչությանը: Պատրիարքը նշում էր, որ վեր լինելով ամեն տեսակ կուսակցականությունից, նա չկարողացավ հաստատել խաղաղ և ներդաշնակ հարաբերություններ տարբեր ուժերի միջև ազգային կյանքում:

<sup>10</sup> Взгляд патриарха Дуряна относительно митингов- Армянская жизнь Баку. 1910, 23 сентября.

<sup>11</sup> Նյութեր հայ եկեղեցու պատմությունից, կազմ. Ա. Բեյրության, Երևան, 2001, հ.8, N 702, էջ 844-847:

<sup>12</sup> «Սշակ», Թիֆլիս, 1910, հոկտեմբերի 31:

Ազգային վարչությանը կոչ էր արվում ըմբռնունով մոտենալ պատրիարքի հրաժարականին<sup>13</sup>։ Պատրիարքի հրաժարականը միաժամանակ սառեցրեց տաճարայնությունները հայ քաղաքական կուսակցությունների, նրանց մոտեցումները և տարբերությունները Օսմանյան թուրքիայում ազգի գոյատևման մասին։

1910 թվականի հոկտեմբերի 22-ի Ազգային վարչության նիստի օրակարգում երկու հարց էր դրված. առաջինը քաղաքական լարված իրավիճակի վերլուծությունը և երկրորդը՝ պատրիարքի հրաժարականը։ Առաջին հարցը մերժվեց, իսկ երկրորդ հարցի քննարկումը հետաձգվեց անորոշ ժամանակով։ Պատրիարքի հրաժարականը կառավարության կողմից ընդունվեց սովորական և նրա գործունեությունը Ազգային վարչության մասով գնահատվեց ոչ բավարար<sup>14</sup>։ Պատրիարքի հրաժարականը հանկարծակիի բերեց պահպանողական և կենտրոնամետ ուժերին։ «Արևելք», «Ժամանակ» և «Բյուզանդիոն» թերթերը սկսեցին հարձակումներ գործել պատրիարքի դեմ՝ նրան մեղադրելով միջոցներ չձեռնարկելու համար։ Ստեղծված իրավիճակում շեշտվում էր, որ կուսակցությունների կուռ շարքերի բացակայությունը և պատրիարքի թուլությունը առաջ բերեցին քառս և ցրվածություն ազգային կյանքում։ Պատրիարքը գիտակցելով իր թուլությունը, հրաժարական ներկայացրեց, սակայն հնչում էր այն կարծիքը, որ հրաժարականը նրան չի փրկի։ Լարված էին հարաբերությունները պատրիարքի և երիտթուրքերի միջև։ Ազգային վարչությունը պարտավորեցրեց Ե.Դուրյան պատրիարքին՝ ետ չվերցնել իր հրաժարականը մինչև չբավարարվի բոլոր իր խնդրագրերը։ Հակառակ դեպքում Ազգային վարչությունը ևս կլուծարվի։ Պատրիարքի հրաժարականի դեմ հանդես եկավ Մ. Չերազը, նշելով, որ նա պետք է բանակցություններ վարի կառավարության հետ, ինչպես հունական պատրիարքը, իսկ Դաշնակցության ներկայացուցիչ Ա.Շահիրիկյանը նշեց, որ այդ որոշումը Դուրյանին պարտադրվել է իր կամքին հակառակ<sup>15</sup>։ «Մշակ» թերթը հանդես եկավ ծայրահեղ ուժերի գործունեության քննադատությամբ։ Պահպանողական «Սուրհանդակ» թերթը պատրիարքի հրաժարականը դիտում էր հետևանք քաղաքական ուժերի կողմից հասնելու նրա զիջմանը հանրահավաքների անցկացման հարցում<sup>16</sup>։ Ս.Պետերբուրգում պատրիարքի հրաժարականը մեկնաբանվեց որպես անհամաձայնության հետևանք քաղաքական ուժերի և պատրիարքի միջև։ Դաշնակցությունը այս

<sup>13</sup> Երկր տեղում, N 710, էջ 856։

<sup>14</sup> Патриаршын кризис, Армянская жизнь, Баку, 1910, 26 ноября.

<sup>15</sup> Երկրի հայ եկեղեցու պատմությունից, կազմ. Ա. Բեյքության, Երևան, 2001, N 278, էջ 410։

<sup>16</sup> Армянская жизнь, Закавказье, 1910, 22 октября.

առթիվ հայտարարում էր, որ եկեղեցին պետք է սահմանափակվի իր կրոնական գործերով: Երկրի մի շարք շրջաններում դաշնակցականները հոգևորականներին ուղղակի քշում էին ասպարեզից և համայնքի կառավարումը վերցնում իրենց ձեռքը: «Բյուզանդիոնը» գրում էր «շաբաթ օրը հեռագիր հասավ պատրիարքարան, թե մի խումբ դաշնակցականներ առաջ նորդարանի բոլոր պաշտոնական մարմիններին դուրս են հանել և ասել են, որ այլևս իրենք պիտի կառավարեն ազգային գործերը»<sup>17</sup>:

Ռամկավար Վ.Թեքեյանը 1910 թվականի հուլիսի 15-ին գրում էր ԶՅԴ-ի վարքագծի վերաբերյալ և շեշտում, որ պատրիարքը հրաժարվեց այն «պատճառով, որ ազգը պետք է, որ ամբողջովին իբրև մեկ մարմին իր պատրիարքի հետ լինի և ոչ թե իր մեկ հատվածը կառավարական գերիզոր կուսակցության հետ՝ Իթքիհաթի հետ, համաձայնություն կնքելով տկարացներ պատրիարքի դիմումի ազդեցությունը»: Մինչ այդ 1910 թվականի ապրիլի 19-ին պատրիարքը հանդես եկավ կոչով որում շոշափում էր հասարակության շարքերի միասնությունը, նշելով, որ դժվարությունները կարելի է հաղթահարել միասնական ջանքերի շնորհիվ<sup>18</sup>: Դաշնակցությունն ամեն չափ ու սահման մոռացած պահանջում էր եկեղեցու բեմերը օգտագործել իր քաղաքական ու կուսակցական հավաքույթների համար<sup>19</sup>: Խնդիրը մինչև այն աստիճան սրվեց, որ Դաշնակցությունը առաջարկում էր ընտրել իր պատրիարքին: Զնչակյան և Ռամկավար կուսակցությունները որոշեցին, որ եկեղեցին պատկանում է հավատացյալ ժողովրդին և չեն խանգարի հավատացյալ հոտի հանգիստը ու դատապարտեցին Դաշնակցության այդօրինակ քայլերը: 1911 թվականի դեկտեմբերի 2-ին Ազգային ժողովում տեղի էին ունենում պատրիարքի ընտրությունները: Ընտրությունների ընթացքում զգացվում էր քաղաքական լարվածություն, որում քաղաքական ուժերը առաջնորդվում էին «ոչ մի զիջում»<sup>20</sup> նշանաբանով: Այդ ժամանակահատվածում Դաշնակցությունը նպատակահարմար էր գտնում անցկացնել նոր պատրիարքի ընտրություններ: Առաջադրված թեկնածուների ցուցակները պետք է նայեր Ազգային ժողովը<sup>21</sup>: Ընտրությունների արդյունքները ցույց տվեցին Դաշնակցության դեկավարությանը, որ միակ հաղթող թեկնածուն արքեպիսկոպոս Ե. Դուրյան էր:

<sup>17</sup> «Մշակ» Թիֆլիս, 1910, 10 ապրիլի:

<sup>18</sup> «Մշակ» Թիֆլիս, 1910, 21 ապրիլի:

<sup>19</sup> Կիտուր, Ա. Պատմություն Ա. Դ. Զնչակյան կուսակցության, Բեյրութ, 1962, էջ 338:

<sup>20</sup> Թուրքահայերի Պատրիարքի ընտրությունները «Արարատ», Բեյրութ, 1911, թիվ 1:

<sup>21</sup> Հայոց եկեղեցին, «Արարատ» Բեյրութ, 1911, թիվ 12, էջ 974: